

FABULOSO "SLAM DUNK PARTY" PA SHAHEEM KING..

DEN AMBIENTE

Foto's/texto: Jan Poets.

** Diasabra ultimo tabatin un fabuloso "Slam Dunk Party" pa Shaheem King cu a cumpli su prome añito. Shaheem King ta yiu di e popular cantante di rap Valentino King. Emnonon Disco a percura pa

e ambiente musical, cu a termina den un tremendo jump-up. Fotonan adunto ta ilustra con great e "Slam Dunky Party" pa Shaheem King tabata den Centro di Bario Lago Heights..




Segun Hildward Croes di Dushi Band..

UFO ESCUDERO SU ROADMARCH LO TA E SORPRESA..

** Cu apoyo di su colega musiconan di D2U 365, Bobby Gibbs y Juni Richardson, e conocido cantante ganador di varios festivalnan comercial, Ufo Escudero, ta bay debuta awenochi den e pre-final di Calypso & Roadmarch Contest. Ufo Escudero lo ser acompaña pa

Dushi Band di e maestro musico Hildward Croes. Recientemente Ufo Escudero tabata presenta cu Claudius & OREO como guest star durante "happy our" di tur diadomingo den City One. Hopi lo a kere cu Ufo Escudero lo a bay forma parti di Claudius & OREO, pero esaki no tabata e

caso. Despues di a cosecha hopi exito durante varios festivalnan di Casino, Ufo a tuma e decision pa bay purba su suerte den Calypso & Roadmarch Contest. E roadmarch a ser compone pa e maestro musico Chucho Hoek riba iniciativa di Bobby Gibbs y Juni Richardson, mientras cu e areglo ta den man di e maestro musico Hildward Croes. Por a compronde for di Hildward Croes, cu el a keda hopi impresionado pa e roadmarch di Ufo Escudero, cual pa su persona lo bay ta e sorpresa di aña. Hildward Croes tin un confianza asina grandi den e roadmarch di Ufo Escudero, cu hasta e ta pronostica e roadmarch aki como uno cu sigur lo clasifica pa e gran final y tin tur e pasta pa ta den e finalistanan y tene cuidao cu hasta e por bira un roadmarch ganador of e roadjam di carnaval 46. Pues expectativanan ta hopi grandi awenochi pa e roadmarch di Ufo Escudero cu lo bay hiba e titulo "RUMBLE"



** Bobby Gibbs, Ufo Escudero y Juni Richardson di D2U 365, awor ta bay purba nan suerte den Calypso & Roadmarch Contest. "Check nan out" den style di "VICTORY"...



** Bobby Gibbs, Juni Richardson y Ufo Escudero, hunto cu e dos maestronan, Hildward Croes y Chucho Hoek...